

四庫全書

史部

欽定四庫全書

史部
宋朝事實卷
十至
十二

詳校官編修臣范來宗

編修臣程嘉謨覆勘

總校官降調編修臣倉聖脉

校對官中書臣張敦培

謄錄監生臣丁煌

欽定四庫全書

宋朝事實卷十

宋李攸 撰

宰執拜罷

楚昭輔太平興國元年十一月自右驍衛大將軍判三

司副使除檢校太保左驍衛大將軍充樞密使

案李壽長編楚

昭輔為樞密使在是年十月庚申與宋史同此書作十一月與各書互異

柴禹錫太平興國七年四月自如京使除宣徽北院使

副使

案宋史宰相表柴禹錫樞密副使此書去樞密二字專稱副使蓋宋以樞密院為執政此書類紀

樞密拜罷諸人姓名年月故不復載如下文稱知樞密院為知院同知樞密院為同知簽書樞密院事為簽書同簽樞密院為同雍熙二年罷為左驍衛將軍

簽書皆從此例也

真宗嘗幸澶淵

案真宗原本誤作太宗澶淵下原本脫宋澁為樞密副使扈從九字攷宋史澁

以真宗咸平元年拜樞密副使二年從幸澶淵三年正月以疾卒于道今從宋史改正

宋澁為樞

密副使扈從遇疾真宗許其先歸賜以衾褥且曰此朕所常御者雖故敬亦足以禦道途之寒也又遣中使護送之次澶州卒真宗再幸河朔追悼之加贈刑部尚書

諡忠定。澠秀穎有器識，又善引重。後進云。

咸平二年己亥六月戊午，樞密使兼侍中曹彬卒。彬自至道三年八月復為樞密使，是年六月卒。居樞府三年。彬性仁恕，清謹遜言，恭色在朝廷，未嘗抗辭忤旨。未嘗言人過失，博覽強記，善談論，被服雅同儒者。伐二國，秋毫無所取，位兼將相，不以等威自異。彬歸休，閉閣門，無雜賓，保功名，守法度，近代良將，稱為第一。

七月己丑，王顯樞密使。

原註自橫海軍節度使兼御史大夫依前檢校太尉充

顯

自太平興國八年六月拜樞密使淳化二年罷是年復

召拜樞密使

咸平三年庚子二月癸亥王顯罷樞密使

原註自檢校太尉罷為山

南東道節度使同中書門下平章事

顯再入樞府踰半年從真宗伐契丹

車駕還京乃以使相罷之四年五月顯以定州駐泊都

部署兼河北諸州水陸計度都轉運使

同日

案宋史宰輔表周瑩王繼英王旦同日拜除皆在咸平三年二月此云同日蓋承上王顯二月罷樞

密之文上四年五月句紀顯次年事也長周瑩王繼英
編咸平四年載王旦同知院事與此互異

並知樞密院事

原註瑩自宣徽北院使遷宣徽南院使除繼英自樞密都承旨客省使遷宣

徽北院使除

王旦同知樞密院事

原註自中書舍人翰林學士除

瑩瀛州人

繼英開封祥符人旦字子明大名人瑩少給事于晉邸太宗即位擢簽書樞密院事宣徽院諸房公事諸房自後不復置云繼英事真宗于藩邸至是並知樞密院事旦少好學父祐器之嘗手植三槐于庭曰吾之後必有為三公者真宗即位旦為翰林學士嘗奏事下殿真宗目送之曰與朕致治天下必此人也是年遂有此除錢

若水名能知人嘗見旦曰真宰相器也若水為樞密副
使罷召對苑中問誰可大用者若水言旦可大用真宗
曰吾固已知之矣

韓崇訓馬知節並簽書樞密院事崇訓自樞密都承旨
四方館使遷檢校太傅除知節自樞密都承旨東上閤
門使遷檢校太保除崇訓長厚謙畏未嘗忤物知節折
節讀書至是並拜簽書樞密院事當是時契丹已盟中
國無為大臣方言符瑞知節每不然之言天下安不可

存去兵忘戰之意景德四年丁未

原註五年改大中祥符

八月庚

子韓崇訓罷簽書樞密院事為齊州防禦使崇訓自景德三年二月召除簽書樞密院事是年八月罷在樞府踰年崇訓以目疾累表求罷從之

王欽若大中祥符五年九月自吏部尚書知樞密院監修國史除檢校太傅中書門下平章事監修國史充使十一月除檢校太尉七年六月罷權判都省

陳堯叟大中祥符五年九月自戶部尚書檢校太傅知

樞密院修國史除本官同中書門下平章事監修國史
充使七年六月罷

寇準大中祥符七年六月

案大中下原本脫
祥符二字今增入

自兵部尚

書除檢校太尉同中書門下平章事充使八年四月罷
為武勝軍節度使同平章事

大中祥符八年乙卯四月壬戌王欽若陳堯叟並樞相

原註欽若自判尚書都省知通進銀臺司兼中書門下封
駁事依前吏部尚書同平章事充樞密使堯叟依前戶
部尚書檢校太尉同平章事
充樞密使兼羣牧制置使 欽若與堯叟自祥符五年

九月並同平章事充樞密使後與堯叟同罷至是復與堯叟並命

大中祥符八年四月壬戌寇準罷樞密使

原註自行兵部尚書依前

檢校太尉同平章事充武勝軍節度等使

準自大中祥符七年六月除中書

門下平章事充樞密使至是年四月罷再任樞密踰年

先是準惡三司使林特姦邪數與爭忿上謂王旦等曰準年高屢更事朕意其必能改前非今觀所為似更甚于疇昔日等曰準好人懷惠又欲人畏威皆大臣所當

避而準乃以為己任此其所短也非至仁之主孰能全之準之未為樞密也且嘗得疾未愈上命肩輿入禁中見于偏殿問曰卿今疾亟萬一有不諱使朕以天下付之誰乎且曰知臣莫若君惟明主擇之再三問不對上曰張詠何如又問馬亮何如不對上曰試以意言之且強起舉笏曰以臣之愚見莫若寇準上憮然有間曰準性剛褊更思其次且曰他人臣所不知也遂辭退及準為樞密使中書行事關送樞密院礙詔格準即以聞上

謂旦曰中書行事如此施之四方奚所則旦再拜謝曰
此實臣等過也中書吏既坐罰樞密院吏皇皇告準曰
中書樞密院日有相干舊例止令諸房改易不期奏白
而使宰相待罪既而樞密院有事送中書礙詔格吏得
之欣然以呈旦卻送與樞密院白準準大慙翌日謂旦
曰王同年大度如此耶旦不答旦每對上必稱準之才
而準數短之一日上謂旦曰卿雖談其美彼專道卿惡
旦曰理固然臣在相位久政事闕失必多準對陛下無

所隱益見其忠直此臣所以重準也上由是愈賢之及
準自知當罷使人私于旦求為使相旦大驚曰使相安
可求耶且吾不受私請準憾之既而上問旦準罷當何
官可為旦曰準年未三十蒙先帝擢置二府且有才望
若使相令處方面其丰采亦足為朝廷光也及制出準
入見流涕曰非陛下知臣何以至上具道旦所以薦
準者準始愧嘆出語人曰王同年器識非準所可測也

七月

案七月即大中祥符八年七月以上文見故不復
載其年攷宋史王嗣宗以是月罷副使與此書合

戊午王嗣宗罷樞密副使

原註為天平軍節度使檢校太保

嗣宗自大

中祥符七年七月除樞密副使至是年七月罷在樞府

踰年嗣宗表求外郡故有是命後上章求退而猶欲領

郡寇準為相惡之即以為左屯衛上將軍致仕卒年七

十八歲贈侍中謚景莊

大中祥符九年正月丙辰張旻樞密副使

原註自侍衛馬軍副都指揮

揮使威塞軍節度使檢校

太保遷宣徽北院使除

旻開封人事真宗于潛邸及

即位以殿前都虞候從祀東封是時盛興宮室人皆爭

奉符瑞丁謂王欽若主其事無敢議者是毅然謂土木之役不足以承天意是年正月遂有此除

八月甲申陳堯叟罷樞相

原註自樞密使行戶部尚書
檢校太尉同平章事罷為尚

書右
僕射

堯叟自大中祥符八年四月復為同平章事充樞

密使至是年罷再執政踰年久疾求領外任上遣閤門使楊崇勳至第撫慰且詢其意堯叟辭意懇確乃從之命其子齋告牒就第賜之尋命判河陽月給實俸歲賜公使錢百萬堯叟力疾求入辭肩輿至便殿詔勿拜賜

坐又作詩餞其行卒贈侍中諡文忠堯叟偉姿貌強力
奏對明辯多任智數久典機密軍馬之籍悉能記之父
省華終左諫議大夫母馮氏性嚴毅弟堯佐景祐四年
拜同中書門下平章事堯咨舉進士第一後以儒臣易
武守任至武信軍節度使

同日任中正樞密副使

原註自樞密直學士給事中
權知開封府遷工部侍郎除中

正字慶之曹州濟陰人

同日馬知節知樞密院事

原註自潁州防禦使知天雄
軍召除檢校太尉兼宣徽南

院使除案宋史宰相表馬知節曹利用等四人同日
除知樞密院事在天禧元年九月此書以年月載明本
條下文直以同日二字
曹利用任中正周起並同知樞
起不載年月殊為闕略

密院事

原註利用自檢校太傅樞密副使加檢校太尉
宣徽北院使除兼羣牧制置使中正自樞密副

使兼刑部侍郎除起自樞密直
學士右諫議大夫遷給事中除起字萬卿淄州人

四月

案宋史宰相表馬知節罷在天禧二年閏四月
此書失載其年直書四月不言閏殊為闕略 癸

卯馬知節罷知樞密院事

原註自檢校太尉宣徽南院
使罷為彰德軍節度觀察留

後知節自天禧元年九月除知樞密院是年四月罷再

入樞府凡七月恩顧極厚素病足特許內朝別為一班

省其舞蹈未幾疾甚賜告上親臨其第謂之曰久不相見思卿而來病既久乃罷為節度留京師卒贈侍中諡正惠知節慷慨以武力智謀自喜又能好書賓友儒者所與善必一時豪傑遇事蹇蹇未嘗有所顧憚天下至今稱其直云

六月

案李燾長編曹利用知樞密院與丁謂並樞密使皆在天禧三年此六月上缺紀年

乙未曹

利用知樞密院事

原註自檢校太尉宣徽北院使同知樞密院事兼羣牧制置使除

十

二月辛卯曹利用丁謂並樞密使

原註利用自檢校太尉宣徽北院使知樞

密院事兼羣牧制置使除謂自吏部尚書參知政事除檢校太尉充時輔臣以郊恩俱進

官故事嘗為宰相而除樞密使始得遷僕射乃以謂為

檢校太尉兼本官充使樞密使舊兼御史大夫自利用

始去之再入政府一年至四月拜相

原註樞密使不兼御史大夫自曹利

始用

同日任中正周起並樞密院副使

原註中正自刑部侍郎同知樞密院事遷

兵部侍郎除起自給事中同知樞密院事遷禮部侍郎除

天禧四年庚申正月乙丑曹瑋簽書樞密院事

原註自華州觀

察使鄜延路副都總管環慶秦鳳等州沿邊巡檢安撫使宣徽北院使鎮國節度觀察留後充 瑋字寶

臣樞密使彬之子李繼遷擾邊諸將數出無功太宗問誰可任者是時彬在樞府對以瑋可任召知渭州時年十九又知秦州秦州人立碑紀功有詔褒之至是遂有此命

錢惟演樞密副使

原註自翰林學士刑部侍郎知制誥除案李燾長編天禧四年八月除

錢惟演樞副下九月周起曹瑛罷即是年九月也與宋史宰相表合此書于錢惟演上闕載年月

九月丙辰周起罷樞密副使

原註自禮部侍郎罷為戶部侍郎知青州曹瑋

罷簽書樞密院事

原註自宣徽北院使鎮國軍節度使
觀察留後除罷為宣徽南院使環慶

路馬步軍
都部署

起自天禧元年九月除同知樞密院事三年

十二月遷樞密副使是年九月罷在樞府三年丁謂用
事逐寇準而以周起為黨罷知青州又降太常少卿知
光州謂得罪復禮部侍郎留守南京卒贈禮部尚書謚
安惠瑋自天禧四年正月除簽書樞密院事是年九月
罷在樞府一年寇準謫道州丁謂惡瑋不附已指為準
黨出之未幾復降為左衛大將軍容州觀察使知萊州

瑋自知宿將為謂所忌恐益為謂中即日上道從弱卒
十餘人不以弓韋矢箠自隨謂敗乃復節度使卒贈侍

中謚武穆治平中配享仁宗廟庭瑋好讀書通左氏春

秋為將幾四十年未嘗敗衄威震西鄙且勒斯賚

案且勒斯

賚原本誤作响
嘶囉今改正

每聞其名以手加額而東嚮之鎮天雄

契丹使過必戒其下無敢疾驅者在渭州始置弓箭手
其所措置後皆為法云子琮之孫詩尚魯邠國大長公

主

案宋史魯國大長公主仁宗女治平四年封邠國熙
寧九年改魯國此書作魯邠國攷公主未嘗封邠國

或即祁
字之誤
琮累官至馬軍副都指揮使

張士遜天禧五年正月自樞密直學士右諫議大夫除

本官副使

任中正自大中祥符九年九月除樞密副使天禧元年

九月除同知樞密院事三年十二月除樞密副使四年

八月除參知政事是年

案宋史任中正乾興元年六月以救丁謂謫知鄆州自大中祥

符九年九月至是凡六年仁宗于是年二月戊午即位此書但云是年而不著乾興元年殊為闕略六月

罷為執政凡六年事真宗五年事仁宗纔數月中正之

貶坐營救丁謂故也後復禮部尚書卒贈左僕射謚康懿弟中師仁宗時為樞密副使

張知白乾興元年十一月自翰林學士尚書右丞除本

官副使

案宋史張知白乾興元年自尚書右丞除樞密副使此書云本官者即指樞密而言也

天

聖三年十二月拜相

李杲靖康元年正月自正奉大夫戶部尚書除本官同

知三月遷尚書右丞

唐恪靖康元年正月自正議大夫吏部尚書除本官同

知三月遷中書侍郎

種師道靖康元年正月自靖難軍節度使檢校少保河
東北路制置使除同知兼京畿河東路宣撫二月罷守
本官中太一宮使

李綱靖康元年正月自尚書右丞兼同知兼親征行營
使二月罷三月復故兼都提舉城壁守禦使四月遷知
院

許翰靖康元年三月自朝散郎御史中丞除大中大夫

同知八月罷

孟忠厚紹興十二年某月自少保鎮潼軍節度使判紹

興府除充使某月罷為福建路安撫使

案宋史宰相表孟忠厚以紹興

十二年九月自護國軍節度除樞密使是年十一月罷為少傅知建康府與此互異

石熙載太平興國四年正月自樞密直學士兵部員外

郎本官簽書院事四月遷副使

案自石熙載以下至湯思退止類紀簽書同簽

書發遣領院事諸職攷宋以簽書樞密院為執政其同簽書發遣領院事特以類附載

王沔太平興國八年十一月自樞密直學士除右諫議

大夫簽書院事雍熙元年十二月除左諫議大夫三年
八月遷副使

張齊賢太平興國八年十一月樞密直學士除右諫議
大夫簽書院事雍熙元年十二月除左諫議大夫三年
七月罷為給事中

王守正端拱元年九月自內客省使除宣徽北院簽書
院事

張遜端拱二年七月自鹽鐵使除宣徽北院使簽書院

事淳化二年九月遷知院

案長編九月甲辰以樞密副使張遜知樞密院事溫仲舒

寇準同知院事
知院之名始此

向敏中咸平三年正月以參知政事權發遣

馮拯景德元年八月自給事中同知院改工部侍郎簽書二年四月遷參知政事

陳堯叟景德元年八月自給事中同知院改工部侍郎二年十一月除刑部侍郎三年二月遷知院

韓崇訓景德三年二月自樞密都承旨除檢校太傅簽

書四年八月罷為齊州防禦使

馬知節景德三年二月自樞密都承旨除檢校太保簽

書大中祥符元年十一月除檢校太傅四年四月除宣

徽北院使五年九月遷副使

案長編景德三年二月王欽若為尚書左丞簽樞密

院事陳堯叟知院事韓崇訓馬知節並簽書院事四人同日視事此書前已載欽若大中祥符五年與陳堯叟並知院事八年復與堯叟並樞相而此處自石熙載簽書院事以下並記簽書院事及同簽書發遣領院事諸人姓名及除罷年月獨不載王欽若簽院事似有闕佚

向敏中大中祥符七年以宰相權發遣

曹瑋天禧四年正月自華州觀察使鎮國軍節度觀察
留後除宣徽北院使簽書九月罷為宣徽南院使環慶
路馬步軍都部署

王德用明道二年四月自侍衛步軍副指揮使福州觀
察使除檢校太保同簽書十一月遷副使

郭遠治平三年四月自容州觀察使檢校太保除同簽
書九月安撫陝西四年正月加靖難軍節度使四月還
自陝西九月罷為宣徽南院使判鄆州

曾孝寬熙寧八年十二月自龍圖閣學士起居舍人樞密都承旨除樞密直學士同簽書元豐元年丁父憂

趙瞻元祐三年四月自中散大夫戶部侍郎除樞密院直學士本官簽書四年六月遷同知院

王嵩叟元祐六年二月自龍圖閣待制權開封府除樞密學士簽書七年五月罷為端明殿學士知鄭州

劉奉世元祐七年五月自朝請郎實文閣待制除樞密直學士本官簽書紹聖元年五月罷為端明殿學士知

成德軍

童貫政和六年二月自少保護國軍節度使陝西河東
路宣撫使簽書五月除檢校少傅威武節度使權領院
事十二月除檢校少師寧江軍節度使領院事重和元
年八月除太保河中節度使宣和元年八月除太保山
南東道節度使二年十二月加劍南西川節度使三年
八月除太師封楚國公四年七月以太師改豫國公致
仕

鄭居中宣和二年十二月自少傅威武軍節度使中太
一宮使權領院事三年五月落權字六年六月除太保
威勝軍節度使燕國公致仕

童貫宣和四年五月落致仕前太師進封徐國公領院
事陝西河北路宣撫使七年封廣陽郡王靖康元年二
月責授左衛上將軍致仕

蔡攸宣和六年六月自少師安遠軍節度使寶籙宮使
侍讀河東北路宣撫使除前少師領院事七年除太保

燕國公靖康元年責大中大夫提舉亳州明道宮

耿南仲宣和七年二月自徽猷閣學士朝散郎太子詹事除資政殿學士簽書靖康元年遷尚書左丞

路允迪靖康元年正月自朝散郎兵部尚書除資政殿學士簽書二月使河東建炎元年罷為資政殿學士提舉南京鴻慶宮

宇文虛中靖康元年二月自資政殿學士中大夫除本官簽書其月改資政殿學士四月罷落職

李回靖康元年八月自朝議大夫御史中丞除延康殿學士簽書十一月罷提舉萬壽觀

曹輔靖康元年十一月自承議郎御史中丞除延康殿學士簽書建炎元年五月卒

張叔夜靖康元年閏十一月自延康殿學士南道都總管除簽書建炎元年四月扈從北狩

路允迪建炎三年二月自資政殿學士提舉洞霄宮除本官簽書四月罷為資政殿學士提舉醴泉觀兼侍讀

呂頤浩建炎三年自大中大夫吏部尚書除資政殿學士同簽書江淮兩浙制置使四月拜相

王淵建炎三年自嚮德軍節度使御營都統制除本官簽書四月遇害

李邴建炎三年三月自翰林學士承旨

案宋史建炎三年李邴自翰林

學士知制誥除簽書此書作承旨與宋史互異

朝奉郎除端明殿學士本官同

簽書四月遷尚書右丞

鄭檉建炎三年二月自朝散郎御史中丞除端明殿學

士同簽書四月落同字七月卒

滕康建炎三年五月自翰林學士承旨朝散郎除端明
殿學士簽書七月除資政殿學士同權三省樞密院從
隆祐太后幸洪州

周望建炎三年七月自朝奉大夫兵部尚書除端明殿
學士同簽書九月宣撫荆湖江浙十二月遷同知

張守建炎三年七月自翰林學士承旨朝奉郎除端明

殿學士同簽書四年四月遷參知政事

案宋史張守自翰林學士知制

誥同簽書在九月參知政事在四年五月此書作承旨除同簽書在七月參政在四月與宋史互異

趙鼎建炎四年五月自翰林學士承旨朝奉大夫除端

明殿學士簽書十一月罷提舉洞霄宮

案宋史趙鼎自翰林學士承旨

除端明殿學士簽書十一月罷提舉洞霄宮原本學士下脫簽書十一月罷六字今據宋史增入

富直柔建炎四年十一月自奉議郎御史中丞除端明

殿學士朝奉郎簽書紹興元年遷同知

權邦彥紹興二年五月朝議大夫兵部尚書除端明殿

學士簽書八月兼權參知政事三年二月卒

徐俯紹興三年二月自翰林學士承旨中大夫除端明

殿學士簽書四年五月罷

案宋史徐俯以紹興四年四月罷簽事此作五月與宋史

五 提舉洞霄宮

韓肖胄紹興三年七月自中大夫吏部侍郎除端明殿

學士同簽書充大金軍前通問使四年五月罷知溫州

案宋史韓肖胄同簽書在紹興三年五月此作七月罷在四年正月此作五月與宋史互異

胡松年紹興四年七月自朝奉大夫吏部尚書除端明

殿學士簽書遷罷年月闕

案宋史胡松年罷簽書在紹興五年閏二月

折彥質紹興六年二月自朝議大夫兵部尚書除端明
殿學士簽書兼權參知政事十二月罷提舉洞霄宮

韓肖胄紹興八年十二月自端明殿學士知常州除本
職簽書使大金十年使還罷知紹興府

王倫紹興八年十二月自龍圖閣學士除端明殿學士
同簽書其月罷以本官職留守東京

樓炤紹興九年三月自翰林學士承旨朝奉郎知制誥
除端明殿學士簽書十年六月丁母憂

何鑄紹興十年六月自御史中丞朝奉郎除端明殿學

士簽書尋出使

案宋史何鑄以紹興十一年十一月除簽書遂出使金此作十年六月與宋史

互十二年五月使還七月兼權參知政事八月罷提舉

江州太平觀

程克俊紹興十二年自翰林學士承旨朝奉郎除端明

殿學士簽書兼權參知政事十三年二月罷兼權七月

罷提舉江州太平觀

樓焯紹興十四年二月自資政殿學士知紹興府移知

建康府過闕以本官簽書兼權參知政事四月罷提舉
江州太平觀

李文會紹興十四年五月自奉議郎御史中丞除端明
殿學士本官簽書兼權參知政事十一月罷

案宋史李文會罷簽

書在十二月此作十一月與宋史互異

落職奉議郎提舉江州太平觀

楊愿紹興十四年十一月自通直郎御史中丞除端明

殿學士朝奉郎簽書兼權參知政事十五年罷

案宋史楊愿除

簽書在十二月此作十一月與宋史互異罷在十五年十月此失載某月

提舉江州太平觀

李若谷紹興十五年九月自敷文閣直學士朝議大夫

樞密都承旨除端明殿學士簽書

案宋史李若谷除簽書在紹興十五年十

月此作九月與宋史互異

十七年正月遷參知政事

何若紹興十七年正月自奉議郎御史中丞除端明殿

學士朝奉郎簽書三月罷提舉江州太平興國宮

詹大方紹興十八年八月自朝奉郎工部尚書除端明

殿學士本官簽書兼權參知政事十一月卒

案宋史詹大方以紹

興十八年九月卒以余堯弼代之即在是年十月此俱作十一月與宋史互異

余堯弼紹興十八年十一月自朝散郎御史中丞除端
明殿學士本官簽書兼權參知政事二十年三月遷參
知政事

巫伋紹興二十年三月自朝奉郎給事中除端明殿學
士本官簽書兼權參知政事二十一年四月使大金為
祈請使是歲還仍兼權參知政事二十二年二月罷落

職案巫伋除簽書在紹興二十年二月此作三月
罷在二十二年四月此作二月與宋史互異提舉

太平興國宮

章夏紹興二十二年四月自朝散郎諫議大夫除端明殿學士本官簽書兼權參知政事十月罷落職提舉太平興國宮

宋樸紹興二十二年十月自奉議郎御史中丞除端明殿學士朝奉郎簽書兼權參知政事二十三年十月罷落職提舉太平興國宮

史才紹興二十三年十月自朝奉郎諫議大夫除端明殿學士本官簽書兼權參知政事二十四年六月罷落

職提舉太平興國宮

魏師遜紹興二十四年自奉議郎御史中丞除端明殿
學士朝奉郎簽書參知政事十一月罷提舉太平興國
宮

鄭仲熊紹興二十四年十二月自承議郎諫議大夫除
端明殿學士朝奉郎簽書二十五年四月兼權參知政
事五月罷落職提舉太平興國宮

湯思退紹興二十五年五月自承議郎禮部侍郎直學

士院除端明殿學士朝奉郎簽書兼權參知政事八月
罷

蔡懋宣和六年九月自朝議大夫開封尹除中大夫同

知靖康元年遷尚書左丞

案自蔡懋以下至張懋皆紀
宣和以後尚書左右丞諸人

姓名及除罷年月而自
宣和六年以前皆闕

葉夢得字少蘊蘇州吳縣人官至尚書左丞在鎮以其
子模將數千人守馬家渡金人果使叛將鄺瓊將輕兵
來襲見有備乃去時以屯兵衆歲費米八十萬斛錢八

百萬緡權貨務所入不足以贍且命夢得兼總四路漕
運時江淮多難甚賴之以勞進觀文殿學士

蔡仲熊濟陽人好學博聞執經議論往往與時宰不合
亦不改操求同歷年方至尚書右丞當時憾其不遇
王璠以尚書右丞為京兆尹自李諒後政條隨弛姦豪
寢不戢璠頗修舉政治有名進左丞

王安中字履道號初寮道人宣和中為翰林學士遷尚
書右丞安中文學稱于時靖康中坐累謫象州館于謝

氏之扶疎堂又建炎間貶道州司戶避寇寓臨賀有和
李師中布水寺詩及稽古閣墨蹟

李綱為尚書右丞上欲親征命綱為東京留守以李稅
副之時宇文粹中扈從東幸綱建議守城罷親征辛未
上登宣德門親勞問將士命李綱吳敏撰數十語示金
人犯順欲危宗社決策固守各令勉勵之意俾閣下官
宣讀一句將士聲喏須臾六軍皆感泣于是固守之議
始決乃以綱為親軍行營使二月罷後三日士庶伏闕

言綱不當罷復除尚書右丞都大提舉京城四壁守禦使

張慤建炎元年六月自中大夫戶部尚書除本官同知至十一月遷尚書右丞

忻州地震災異數見時陳堯佐與王隨同在相位諫官論政事錯繆由宰相不得人堯佐亦先自援漢故事數上章請行策免下制曰適因災異繼有奏陳慮煩宰制之勤宜錫都俞之命從優禮云

曾布與韓忠彥同輔政忠彥既罷相而布亦力請去位
乃有是命未幾臣僚論列布與宦官閹守勲等相交結
使門人李士京通道密語暨陛下發揮睿斷斥逐守勲
是時布在公堂忽覺驚駭失色曰昨日見李士京來不
言及今日何遽如此又聞金山登雲門外下鼻唐地嘗
有讖記遂諷金山寺僧獻其地又以常住地不可買遂
面欺乞令潤州估價買之王防獻賄于其子紆納妾以
事之布亦薦用朱彥任府界提點日朝廷便錢往京西

紆與布之婿吳則禮攬客人便錢所得息錢甚多彥以
此速進陛下深察其奸終以必去而不疑可謂有人主
之英斷矣及其既去則譽以美詞寵以要職罪狀未著
天下惘然于是落職提舉亳州明道宮太平州居住又
責授賀州別駕衡州安置二年又責授廬州司戶參軍

案前條不著年月此條首云乃有是命末云二年又責授則原本必有元年罷相之文而傳寫脫去且陳堯佐王隨罷相在景祐五年三月韓忠彥曾布罷相在崇寧元年五月乃錯置建炎後皆由傳寫消亂

興化軍仙遊人陳瓘因朝會見蔡京視日久而不瞬嘗

以語人曰京之精神如此他日必貴然矜其稟賦敢敵
太陽吾恐此人得志必擅私逞欲無君自肆矣尋居諫
省遂攻其惡京聞瓘言因所親以自解且致情懇而以
甘言啖瓘瓘使答之曰杜詩所謂射人先射馬擒賊必
擒王不得自己也于是攻之愈力草四章將上會聞隔
對不得見乃悉繳而奏之宋史瓘以論皇太后預政
因罷監揚州糧料院瓘出都
門繳四章上
之與此互異其奏曰紹聖之初哲宗之意本無適莫章
惇雖挾功自恣然其初猶有兼取元祐之意京自成都

而來與其弟下共毀宣仁共欺哲宗京之得售其說自
役法始從大改役法以後事事無不大改兄弟同朝損
虜相和無有一事不如其意當此之時不以所聞神考
聖訓告于哲宗至于今日然後引所自書實錄以為證
驗倡為不經之論而欲遷神考于西宮其為矯誣可謂
明矣京以矯誣之筆妄增實錄之事以矯誣之舌偽造
神考之訓朝廷用矯誣之言而輕改宗廟信矯誣之說
而力沮言者臣恐自此矯誣之人無復忌憚矣今朝廷

大政又皆委曲遷就而為一京之地公議洶洶人不敢
言京當紹聖之初與其弟卞俱在朝廷導贊章惇共作
威福卞則陰為謀畫惇則果斷力行且謀且行者京也
哲宗篤于繼述一于委任事無大小信惇不疑卞于此
時假繼述之說以主私史惇于此時因委任之篤自明
已功京則盛推安石之聖過于神考以合其弟又推定
策之功毀蔑宣仁以合章惇惇之矜伐京為有助卞之
乖悖京實贊之當此之時言官常安民屢攻其罪京與

惇卞共怒安民協力排陷斥為姦黨而孫諤董敦逸陳
次升亦因論京相繼黜遂哲宗晚得鄒浩不由進擬寘
之言路浩能忘身徇國京又因其得罪從而擠毀是以
七年之間五害言者凡所施行得以自恣遂使當時之
所行皆為今日之所改卞之尊紹王氏知有安石豈知
有神考知有金陵豈知有京師絕滅史學一似王衍重
南輕北分裂有萌臣之痛心默憂非一日也陛下融會
南北去卞不疑然而京尚未去人實憂之兄弟一心皆

為國害一去一留失政刑矣熙寧之末王安石呂惠卿
紛爭以後天下之士分為兩黨神宗患之于是自安石
既退惠卿既出之後不復用此兩人而兩門之士則皆
兼取而竝用之也當時天下之士初有王黨呂黨而朋
黨之禍終不及于朝廷者用此術耳自京卞用事以來
牢籠薦引天下之士處要路得美官者不下數百千人
其間才智藝能之士可用之人誠不為少若京去朝廷
則私門之士數百千人者皆為朝廷之用矣京在朝廷

則皆蔡氏之黨也然則消黨之術惟在去京而已國家
內外無事一百四十年矣至于保養陰邪必成心腹之
患瓘又論哲宗實錄不當止以蔡京兼修疏奏上甚感

其言密賜瓘黃金百兩

案宋史瓘以上書明宣仁誣謗
事賜黃金百兩后亦今勿遽去

昇十僧牒為行裝改無為
軍與此所載詳略互異

上謂輔臣曰瓘言事極不可

得暫貶亦不久前日遣人以金百兩賜之瓘受賜泣下
布曰陛下待遇如此宜其感泣也元符三年十月京遂
以翰林學士承旨出知永興軍至是除尚書左丞京執

政凡二月而相

王黼上章乞骸骨曰陛下用臣不為不盡任臣不為不專緣臣薄祜取戾陰陽內積憂虞外傷疲弊捫心自悼弔影興嗟獲戾天人莫之可道儻許畫還印綬退即里居脫身于風波洶湧之中收功于桑榆衰蹇之域人非鬼責少緩顛隳永言此恩是為終惠詔依所乞守本官致仕應得恩禮朝謁人從等並依蔡京例仍給節度使俸從優禮也黼當國之久專權稔惡中外畏之無敢言

者及是太上皇覺悟罷其政事天下稱快

宋朝事實卷十

欽定四庫全書

宋朝事實卷十一

宋 李攸 撰

儀注一

太祖乾德元年將有事于南郊為壇于城南南薰門外

徑五丈高九尺四成

案四成原本誤作四出攷宋史禮志壇舊制四成一成二十丈再成

十五丈三成十丈四成五丈成高八尺一寸此書言徑五丈指一成而言徑為五丈則四圍為二十丈然不及宋史之詳又高九尺與宋史言八尺一寸者不合附註備攷

帝致齋于便殿屏葦茹

前一日上服袞冕備大駕鹵簿宿齋于青城上御青城
門觀奏嚴夜設警場用鼓吹一千二百七十五人奏嚴
用金鉦大角大鼓樂用大小橫吹威篥筚篥笛角手歌六
州十二時每更三奏之

導引二首 和調玉燭睿化著鴻明緹管一陽生郊裡
盛禮燔柴畢旋軫鳳皇城森羅儀衛振華纓載路溢歡
聲皇圖大業超前古垂象泰階平 歲時豐衍九土樂
升平當寰海澄清道高堯舜垂衣治日月竝文明嘉禾

甘露登歌薦雲物煥祥經兢兢夕惕持謙德未許禪云
亭

六州 嚴夜警銅史漏遲遲清禁肅森陛戟羽衛儼皇
闈角聲厲鉦鼓收宜金管成雅奏逐次逶迤薦蒼壁郊
祀神祇屬景運純熙京坻豐衍羣材樂育諸侯述職盛

德服蠻夷

原註
和聲

殊祥萃九苞丹鳳來儀為膏露降和氣

洽三秀煥靈芝鴻猷播史冊相輝張四維卜世永固丕
基敷玄化蕩蕩無為合堯舜文思混并寰宇休牛歸馬

咸偃革蹈詠慶昌期

十二時 承寶運馴致隆平鴻慶被寰瀛時清俗阜治

定功成遐邇詠由庚儼郊祀文物聲明天正星拱奉嚴

蹕布羽儀簪纓宸心虔潔明德播惟馨動蒼冥神降享

精誠

原註和聲

燔柴半萬乘移天仗肅鸞輅旋衡千官雲擁

羣后輸誠玉帛旅明庭韶濩薦金奏諧聲集休享皇澤

浹黎庶普率洽恩榮仰欽元后睿聖貫三靈萬邦寧景

貺愈駢臻

鹵簿使張昭又上言準舊儀鑿駕將出宮入朝赴南郊宿齋之辰皆有夜警晨嚴之制奏嚴之設本緣警備事理與作樂全殊況齋宿之夜千乘萬騎宿于儀仗之中苟無鼓漏之徽巡何警衆多之耳目其宮門廟門南郊夜警晨嚴之制望依舊制施行詔從之

太祖乾德元年八月六日太常禮院言南郊壇衆星位版并刻漏時辰司天臺應奉豫申嚴辦從之太宗淳化四年五月三日吏部侍郎陳恕言郊壇祭祀其神位席

禱望自今並委逐司長官封送祀所禮畢監祭使封還
從之

太祖乾德元年將有事于南郊司天監新定從祀星辰
圖上之中書門下詳定祀昊天上帝儀設皇地祇之位
從祀五方五帝日月五星中官外官總六百八十七位

案原本五帝下脫日月二字五星下脫
中官外官四字今據宋史禮志增入有司議請以僖

祖升配昊天上帝太常少卿張昭請以宣祖崇配詔從

之

案宋史禮志張昭議曰隋唐以前雖迨立四廟或六
七廟而無偏加帝號之文梁陳南郊祀天皇配以皇

考北齊圜丘祀昊天以神武升配隋祀昊天于圜丘以
皇考配唐貞觀初以高祖配圜丘梁太祖郊天以皇考
烈祖配恭惟宣祖皇帝精果勳伐肇基王
業伏請奉以配享從之此書不載其議

乾德元年將有事于南郊禮儀使陶穀建議取天文大
角攝提列星之象作攝提旗及北斗旗二十八宿旗十
二辰旗龍墀十三旗五方神旗五方鳳旗四瀆旗于時
有貢黃鸚鵡白兔及馴象又作金鸚鵡玉兔馴象旗帝

又詔別造大黃龍負圖旗一黃龍負圖旗一

案宋史禮志無黃龍

負圖旗一六字但以下二十一旗數之則大黃龍負圖
旗外又有黃龍負圖旗觀下文云大黃龍負圖旗陳于

明德門前餘二十旗悉立于宿頓宮則
此本二旗而宋史刪去可以證其闕

大神旗六日旗

一月旗一君王萬歲旗一天下太平旗一獅子旗二金
鑿旗一金鳳旗一五龍旗五二十一旗皆有架南郊用
之大黃龍負圖旗陳于明德門前餘二十旗悉立于宿
頓宮前遇朝會冊禮亦皆陳于殿庭牙門旗赤質錯采
為神人象中道前後各一門左右道五門門二旗金節
制黑漆竿上施圓盤周綴紅絲拂八層黃繡龍袋籠之
幢制如節而五層韜以袋繡四神隨方色朱漆柄取曲

禮行前朱鳥而後玄武左青龍而右白虎之義絳麾如
幢止三層紫羅囊蒙之黃麾古有黃朱纁三色所以指
麾也漢鹵簿有前黃麾護駕御史宋制絳帛為之如幡
錯采成黃麾字下繡交龍朱漆竿金龍首上垂朱絲小

蓋幡本幟也貌幡幡然有告止傳教信幡

案原本脫教字今據宋史

儀衛志增入

皆絳帛錯采為字上有朱絲小蓋四角垂羅文

佩繫龍頭竿上有錯采字下告止為雙鳳傳教為雙白
虎信幡為雙龍又有絳引幡制頗同此作五色間暈無

字兩角垂佩瑩為四角小蓋每角垂朱佩間以朱絲周綴五色帶繡雲龍孔雀白鵝有三色之別繫龍頭竿竿

制如戟

案宋史儀衛志瑩本緋鳥毛為之唐有六色孔雀大小鵝毛鷄毛之制後志云今制有青緋皂

白黃五色工有朱蓋下垂帶繡翕羽末綴金鈴青則繡以孔雀五角蓋緋則繡以鳳六角蓋皂則繡以鵝六角蓋白亦以鵝四角蓋黃則以鷄四角蓋每角綴垂佩揭以朱竿上如戟加橫木龍首以繫之與此書互有詳畧

王公所給幢黑漆柄紫綾袋節韜以碧玉麾以紫綾

袋餘制同范質與禮官議

案宋史范質與禮官議郊祀與服之制在建隆四年此書

年頭載道駕官服袴褶之衣按袴褶衣其制度所起先儒

皆無其說惟開元雜禮五品以上通用細綾及羅六品

以下服小綾褶衣其色隨本品綾色

原註褶衣即複衣也

又按諸

王朱綾四采赤黃縹紺赤即朱也以純朱為地更次第輕入黃白青汁內染之共為四采亦謂之朱褶一品綠

綾縵四采綠紫黃赤

原註綾即綠色是草之綠色

以綠為地亦謂之

綠綾縵褶二品三品紫綾三采紫黃赤謂之紫褶其衣身領袖請依今制又按今文武弁金飾平巾幘簪導紫褶白袴玉梁珠寶鈿帶鞞騎馬服之金飾即金附蟬

也附蟬之數一品九蟬二品八蟬三品七蟬四品六蟬五品五蟬又令文武弁平巾幘侍中中書令散騎常侍

加貂蟬侍左者右珥侍右者左珥

案宋史輿服志侍左者左珥侍右者右珥

與此互異

又開元雜禮導駕官竝朱衣冠履依本品朱衣今

之朝服也然自一品至三品並用四入之朱為衣乃協上下之文異絳繒之色又令文三品以上紫褶五品以上緋褶七品以上綠褶九品以上碧褶並白大口袴起梁帶烏皮鞋看詳籠中籠冠平巾與武弁大冠其名雖

殊本是一物製同而飾別蓋以官品為差其幘戴在籠
冠下今請造袴褶如今制其起梁帶形制檢尋未獲欲
乞以革帶代之奏可又令博士檢緋紫襖襠制度按開
元禮武臣陪位大仗加螭蛇襖襠如袖無身以覆其膊
胛原註胛音各
蓋掖下縫也從肩領覆臂膊共一尺二寸又按釋文
玉篇云其一當胛其一當背謂之兩當今詳襖襠之制
其領連所覆膊胛其一當左膊其一當右膊故謂之起
膊今請兼存兩說擇而用之是歲造襖襠遂用當胛背

之制

乾德元年將有事于南郊于是范質上言三公祭服舊皆畫升龍請令禮官檢尋故事按三禮三公毳冕無龍章上公衮冕二品鷩冕又周禮言上公衮冕九旒以五采繩貫五采珠旒長九寸每寸以珠玉瑱其衣玄色五章山龍華蟲火宗彝畫于衣其裳朱色四章藻粉米黼黻繡于裳又按令文旒並貫青色珠青纒其珠及充纒今請依令文青色之制詔從之遂改製焉

淳化四年正月辛卯合祭天地圜丘以宣祖太祖皇帝
同配有司因請孟春祈穀孟冬神州地祇季秋大饗明
堂請以宣祖配冬至祀昊天夏至祀皇地祇孟夏雩祀

請以太祖配從之

祭宋史淳化四年以宣祖太祖並配
圜丘禮儀使蘇易簡請郊祀圜丘奉

宣祖太祖同配其常祀祈穀神州地祇明堂以宣祖配
圜丘此郊雩祀以太祖配奏可此以下三條從事實類
苑採出而字句多訛
缺復據宋史訂正

太宗將南郊彗星見宰相趙普召檢討杜鎬問之鎬曰
當祭日食猶廢祭謫見如此罷祀不疑遂從其說至熙

寧五年將郊而河決神宗問輔臣曰議者以河決地震不當郊王安石曰古者年不順成八蜡不通八蜡小祭或可以變異廢上帝之祭乃祭之大者恐不宜如此上亦以為然

建隆四年太常博士和峴奏唐以前寅日蜡百神卯日祭社宮辰日臘饗宗廟開元定禮三祭皆于臘辰以應土德聖朝大德合以戌日為臘而以前七日辛卯便行蜡禮恐未為宜下太常議而請蜡百神祀社稷饗宗廟

同用戊臘日

案以上各條皆郊祀之儀此係蜡臘擇日故以類從不復以時代為先後

仁宗慶厯四年十月壬辰太常禮院言新修禮儀並據通禮而郊廟舊儀所設罇壘之數乃與通禮不同南郊配帝位舊誤著罇二山壘二今宜如通禮犧罇之次益以象罇二其下壇午階之東舊設象罇二壺罇二山壘二今宜如通禮增山壘為四每太廟室舊設筭彝一黃彝著尊二今宜如通禮用筭彝一黃彝一犧罇一象罇二山壘二仍于堂下階間及設壺罇二山壘二從之仁

宗景祐二年十一月十一日詔訪聞祀天地社稷宗廟
簠簋籩豆祭器多是損壞收掌不得嚴潔令太常禮院
相度修整不堪者別引創造淨潔處置庫收盛

封禪 帝每道經險峻必降輦徒步所司議增侍衛皆
卻之導從者或至疲頓而帝辭氣益壯侍臣莫不瞻悚
至回馬嶺以天門斗絕給從官橫板選親從卒推引而
上原註板之制長三尺許兩端施
綵帛上則施于背下則施于臆衛士皆給釘鞵上至
御幄命近臣觀玉女泉及古碑前一夕山上大風裂帟

幕遲明未已及上之至天氣溫和織羅不動祥光瑞雲
交相輝映辛亥設昊天上帝位于山上園臺太祖太宗
配帝位于東方西向北上側向以申祖宗恭事之意設
五方帝日月天皇大帝北極神座于山下封祀壇之第
一等青帝于卯陞之比赤帝于午陞之東黃帝于午陞
之西白帝于酉陞之南黑帝于子陞之西大明于卯陞
之南夜明于酉陞之北天皇大帝于戌陞之北北極于
丑陞之東席皆以藁秸上加席褥設五星十二辰河漢

及內官五十四座于第十有二陸之間各依方面几席皆內向其內官北斗于未陸之東天一太一皆在北斗之東五帝內座在亥陸之西帝座在卯陸之北又設二十八宿及中宮一百五十八座于第三等其二十八宿及大角攝提太微太子明堂軒轅三台五車諸王月星織女建星天紀等一十六座並差在外位前又設外官一百六座席位于內壝之內又設衆星三百六十座席位于內壝之外各依方次十有二陸之間席皆以莞所

司陳寶及嘉瑞等于樂縣之北東西廂玉昊天上帝以
蒼璧青帝以青珪赤帝以赤璋白帝以白琥黑帝以玄
璜黃帝以黃琮日月以珪璧幣昊天上帝幣以蒼地祇
幣以黃配帝幣以白五天帝日月內官以下各從其方
之色各長一丈八尺又方丘玉幣皇地祇以黃琮其幣
以黃神州以兩圭有邸其幣以玄配帝之幣以白封祀
壇內官五十四座中官一百五十八座外官一百六座
社壇嶽鎮海瀆以下一十八座依南郊隨方色用幣正

位配位依南郊各位犢一羊一豕一豕一五方帝每位羊一豕一日月神州每位羊一豕二從祀七百三十七位羊豕每位使肉二段計使一千四百七十四段上服袞冕侍中奏中嚴少頃又奏殿中監進鎮圭皇帝出次盡屏導衛減去拂翟燭籠前導亦徹去上至幄殿登歌樂作用高安之曲禮儀使引皇帝就褥位西向樂止禮儀使奏請皇帝再拜拜訖禮生贊拜在位羣臣皆再拜次禮儀使引皇帝詣罍洗樂作侍中跪取匱盥沃水皇帝搯

圭盥手門下侍郎進帨巾皇帝帨手訖樂作解劔脫舄
如常儀禮儀使贊引皇帝升幄殿樂作降神用禮安之
曲皇帝自午陞升詣昊天上帝正座前禮儀使奏請皇
帝再拜上香進酒貢幣俯伏興再拜中書侍郎讀玉冊
維大中祥符元年歲次戊申十月戊子朔二十四日辛亥
嗣天子臣德昌敢昭告于昊天上帝臣嗣膺景命昭事
玄穹昔太祖揖讓興邦

案興邦宋史禮志作開基

太宗憂勤致治肅

清寰海

案肅清宋史作廓清

混一車書升中告成猥延積慶

案此二句

宋史作固柳升中以延積慶

元符錫祚衆寶效祥異域咸懷豐年屢

應虔修封祀祈福黎元謹以玉帛犧牲粢盛庶品備茲

禋燎式薦至誠皇伯考太祖皇帝啟運立極英武聖文

神德玄功大孝皇帝皇考太宗至仁應道神功聖德文

武大明廣孝皇帝配神作主尚饗次詣太祖皇帝配座

前行禮玉冊文

案太祖太宗玉冊文宋史禮志並失載此足補其闕

維大中祥符

元年歲次戊申十月戊子朔二十四日辛亥孝子嗣皇

帝臣德昌敢昭告于皇伯考太祖啟運立極英武聖文

神德玄功大孝皇帝恭以在昔昊穹顧懷聖神開統救
衰五代先德後刑平亂四方有征無戰荆湘請覲巴蜀
知歸海隅既同江左亦服臣猥以孱眇祇荷慶靈再炳
元符誕彰休應封祀喬嶽陟配上玄虔舉典章敢祈昭
格謹以制幣犧牲粢盛庶品式伸嚴配侑神作主尚饗
次詣太宗皇帝配座前行禮玉冊文維大中祥符元年
歲次戊申十月戊子朔二十四日辛亥孝子嗣皇帝臣
德昌敢昭告于皇考太宗至仁應道神功聖德文武大

明廣孝皇帝恭以欽明御宇玄德應天撫泉浙之強雄
除并汾之負固誕敷景化聿致太平儀抑升中功遵不
宰臣猥承積慶獲荷鴻休時臻太和屢惟稔歲大錫遐
祚再炳元符紀號名山永揚徽烈謹以制幣犧牲粢盛
庶品式伸嚴配侑神作主尚饗封祀玉牒文維大中祥
符元年歲次戊申十月戊子朔二十四日辛亥有宋嗣
天子臣德昌敢昭告于昊天上帝運啟大同惟宋受命
太祖開階案開階宋史作肇基功成治定太宗膺圖重熙累盛粵

惟沖人丕承列聖

案宋史此句下有寅恭奉天憂勤聽政二語

一紀于茲四

隩來暨玄貺殊尤元符章示

案宋史此句下有儲慶發祥清淨可致二語

時

和年豐羣生成遂

案宋史此句下有仰荷顧懷敢忘繼志二語

僉議大封聿

伸昭事躬陟喬嶽對越上玄

案宋史此句下有率禮祇肅備物吉蠲以仁守位以

孝奉先等語

祈福下民侑神奉先天祿無疆靈休允迪萬葉

其昌永保純錫禮儀使贊引皇帝復褥位亞獻終獻行

事宰臣以下分祀羣神訖皇帝飲福酒攝中書令王旦

跪稱天賜皇帝太元神策周而復始永綏兆民送神上

詣昊天上帝座前封玉匱太祖太宗座前封金匱還立石礧南攝太尉王旦奉玉匱于礧中有司徹饌燔燎將作監率工人封石礧畢禮儀使跪奏禮畢前導皇帝歸幄殿佩劔納爲樂作殿中監跪受鎮圭皇帝至御幄樂止司天跪奏慶雲繞壇月有黃輝氣宰臣率從官稱賀即日還仗奉高宮壬子禫祭社首山如封祀之禮禫祭皇地祇玉冊文維大中祥符元年歲次戊申十月戊子朔二十五日壬子嗣天子臣德昌敢昭告于皇地祇無

私垂祐有宋肇基命惟天啟慶賴坤儀太祖神武威震
萬寓太宗聖文德綏九土臣恭膺寶命繼承丕緒穹昊
降祥靈符下付景祚延鴻祕文昭著八表以寧五兵不
試九穀豐穰百姓親比方輿所資涼德是愧溥率同詞
縉紳叶議因以時巡亦既肆類躬陳典禮祇事厚載致
孝祖宗潔誠嚴配以伸大報聿修明祀本支百世黎元
受祉謹以玉帛犧牲粢盛庶品備茲禋祀式表至誠皇
伯考太祖啟運立極英武聖文神德立功大孝皇帝皇

考太宗至仁應道神功聖德文武大明廣孝皇帝配神
作主尚饗上至山下服靴袍步出大次侍臣言山路險
滑請乘步輦上曰接神在邇敢不徒行前夕陰晦風勢
勁猛不能燃燭及行事風頓止天寓澄霽燭燄凝然不
動封石礮訖紫氣蒙壇法駕還奉高宮日重輪五色雲
見鼓吹振作觀者塞路萬歲之聲震動山谷配座金匱
迴日奉置太廟本室上作登泰山謝天地述二聖功德
銘初王欽若言唐高宗玄宗二碑之東石壁南丘平峭

欲即崖成碑以勒聖製上曰朕之功德故無所紀若須
撰述不過謝上天數佑叙祖宗盛美是日幸仁聖天齋
王炳靈公廟岱嶽觀王母池宜福寺青帝君觀天貺殿
靈液亭改上泰山奉高宮曰會真宮增葺室宇選道士
住持焚修仍給供具物放國朝以來天下所獻珍禽奇
獸悉縱于山下

癸丑御朝觀壇肆赦

案此赦文東都事略及長編宋史俱失載

門下式觀遼

古眇觀前王功成治定之餘時和歲豐之際三靈孚佑

萬寓宅心則攷登封降禪之文率建顯垂鴻之禮無懷
而下間封祀于崇巒開元以來曠講求于徽典時更五
代運應千年當聖祖之開基肇平郊壘暨神宗之制作
益固邦基升喬嶽以未遑謂沖人之克嗣肆予纂紹每
務精勤動經畫于永圖庶奉承于先志顧惟寡德素昧
王猷遵奕世之貽謀承慶靈之遠及屬以五兵銷偃四
海澄清良民合歸厚之風嘉穀茂重華之歲荷洪符之
昭錫示大厯以無疆允叶昌期實繁靈眷歲蕤絕瑞覺

倍輿情是用承列聖之垂休徇衆臣之勤請聿崇大報
躬造神區文物聲明具陳于法駕豆籩珪幣悉奉于彝
章紫壇伸嚴配之儀玉檢視封崇之制諒三神之降鑒
伊百福以潛臻輯瑞班朝率從肆覲省方問俗用慰來
蘓導王度以無愆展國容而有耀既被紛綸之景貺宜
覃渙汗之洪恩冀與羣生共膺遐嘏可大赦天下云云
於戲升中展采曠古之盛儀尊祖配天哲王之洪範既
周旋而集事諒中外以咸歡載省眇躬獲成大禮猥當

殊慶愈勵深衷思廣聽于嘉謀貴同禪于闕政更賴朝
廷勲舊藩輔親賢逮諸文武之臣共立忠勤之效式扶
昌運永保丕休

是日上有黃氣如匹素五色雲如蓋紫氣翊仗是夕次
中牟縣辛丑過訾村設幄殿奉置三陵神主上鞞袍拜
哭奠獻是夕晴霽始就次蒼煙白露赴陵上俄覆神幄
禮畢乃散咸以為上哀慘所感

案此以下為真宗大中
祥符四年二月幸西京

祀汾陰后土之儀原本不
載年月今依宋史序訂

是日帝召近臣登延慶亭南望仙掌北瞰龍門自宮至
睢上列植嘉樹六師環宿行闕旌旗帟幕照耀郊次帝
眺覽久之

先是睢上多風及行禮頓止黃氣遶壇月重輪衆星不
見惟大角光明

上登鄴丘亭視汾河望梁顧左右曰此漢武帝泛樓船
處也一時之樂垂于千古即日還奉祇宮鼓吹振作紫
氣四塞觀者溢路民有扶老攜幼不遠千里而至者咸

金史四庫全書卷十一
感泣言曰五代以來此地為戰場今乃獲覩天子巡祭
實千載一時之幸

赦文門下為人倫之紀律禮曰天經著王者之誠明祀
惟大事凡致恭于禱載求介福于黎元已建園封是崇
方澤攷乾元之設象配乾健以同符厚德無疆柔祇定
位矧高雉之靈境有前古之嚴祠誕集祺祥薦從禋瘞
登隆祭典焜燿國容歷五運以下哀曠六飛之戾止顧
予菲德叨纂慶基欽燕翼之貽謀荷豐融之敷祐既無

文而成秩顧墜典以文修多愧眇冲獲遵盛美率由勤
請勉徇輿情慰蒲津佇望之民奉郊上親祠之事百神
幽贊九服駿奔嘉瑞必升靈休允答遂涓良日式展鴻
儀務極洗心以申精意薦豆籩而惟潔奠琮帛以斯嚴
禮樂相資神祇胥悅集顧懷之殊貺契茂育之玄功是
用周覽時風肆覲西后輯瑞圭而成列羅琛貢以充庭
和氣冲融頌聲洋溢肇迎嘉慶適鍾神賜之祥均被華
夷宜廣雲行之施可大赦天下云云於戲龐洪之慶既

決于八區眷佑之靈普臻于兆庶更賴宗親勲舊文武
忠良罄同德之端誠贊卜年之景祚庶期寰宇永洽純
熙是行塗中屢有甘澤之應皆夕降晨霽從官衛兵無
沾霈之患又農事方興耕民懼抃相屬

三月駐蹕西京陳堯叟李宗諤來朝堯叟奏曰臣等供
使職日面奉宸旨今之祀事皆為蒸民如不擾人集事
即副朕意臣等自經度訖于禮成凡土木工三百九十
萬餘止役軍士至于輦送島糧供億頓置亦未嘗科率

編民上稱善久之始雍熙初議封禪特命翰林學士扈
蒙宋白賈黃中右散騎常侍徐鉉兵部員外郎張洎太
常丞呂端殿中丞韓瑗詳定儀注真宗東封命翰林學
士杜鎬待制陳彭年與禮官同撰儀注至是祀汾陰亦
如之

宋朝事實卷十一

欽定四庫全書

宋朝事實卷十二

宋 李攸 撰

儀注二

國初因唐與五代之制文武官每日赴文明殿

原註即文德殿

正衙常參宰相一人押班五日起居即崇德長春二殿

原註崇德即紫宸長春即垂拱

中書門下為班首其長春殿常朝則內

侍省都知押班率內供奉官以下并寄班等先起居次

客省閣門使以下

原註呈進目者

次三班使臣

原註節度觀察防禦團練刺史

等子弟充供奉官侍禁殿直有旨令頭內朝起居者

次內殿當直諸班

原註殿前指揮使左

右班都虞候內殿直散員散指揮散都頭金鎗班等

次長入祇候東西班殿侍次

御前忠佐次殿前都指揮使率軍校至副指揮次駙馬

都尉

原註任刺史以上者綴本班

次諸王府僚次殿前都軍使都頭

次皇親將軍以下至殿直次行門指揮使率行門起居

原註以上並內侍贊喝

如傳宣前殿不坐即宰相樞密使文明殿

學士三司使翰林樞密直學士中書舍人三司副使知

起居注皇城內監庫藏朝宮諸司使副內殿崇班供奉

官侍禁殿直翰林醫官待詔等同班入次親王次侍衛

親軍馬步軍都指揮使率軍校至副都指揮使次使相

次節度使次統軍次兩使留後觀察使次防禦團練使

刺史次侍衛馬軍步軍使都頭起居畢見謝班入如御

崇德殿即樞密使以下先就班俟升坐

原註諸司使副以下至殿直分

東西對立餘皆北向

宰相參知政事最後入

原註以上並閣門贊唱

日止再

拜朔望及三日假即樞密使以下皆舞蹈

建隆三年三月重定合班儀升六曹侍郎在給事舍人之上郎中在補闕之上員外郎在拾遺之上節使在六曹侍郎之上中書侍郎之下故事京兆省官為侍從班五品押南省四品六品押南省五品節使在諸司三品之下至是改焉

崇文獻通考載合班圖于朝儀後可與此互證

十月賜文武常

參官冬服累朝止賜將相翰林學士諸軍大使至是太祖曰冬服不及百官甚無謂也故賜之

乾德元年閏十二月詔一品致仕官曾帶同平章事者

每遇朝會宜綴中書門下班是時太子太師致仕侯益等來陪祀故有是詔

淳化二年十二月太宗御文德殿羣臣入閣禮畢賜百官廊下飧唐制朔望天子御宣政殿受百官起居諸司奏事仗衛如式敬宗始于紫宸為入閣之儀五代以來禮容多闕至是始復舊

三年正月太宗御朝元殿受賀禮畢改服通天冠絳紗袍升殿羣臣上壽國朝以來元正冬至朝賀御正殿即

以退御大明殿羣臣常服上壽奏教坊樂至是始約開元禮皆以法服設宮懸萬舞酒三行而罷

大宴羣臣于廣德殿分設宰相使相三師三公參知政事東宮三師僕射學士御史大夫中丞三少尚書常侍賓客太常宗正卿丞郎給事諫舍節度兩使留後觀察防禦團練刺史上將軍都指揮使坐于殿上文武四品以上知雜御史郎中郎將禁軍都虞候坐于朶殿餘升朝官諸軍頭都頭以上諸蕃進奉使諸道進奉軍將以

上分坐于兩廊宰相使相坐以繡墩

原註曲宴行
幸用杌子

參知

政事以下用二蒲墩花毬

原註曲宴樞密使副使並同
案花毬宋史禮志作蜀毬

軍都指揮使以上用一蒲墩自朶殿而下皆緋緣氈條

席殿上器用金餘以銀其日樞密使以下先起居訖當

侍立者升殿宰相率百官入宣徽閣門通唱致詞訖宰

相升殿進酒各就坐酒九行每上舉酒羣臣立侍次宰

相次百官舉酒或傳旨命醕即皆措笏起飲再拜

原註
曲宴

多令
不拜或上壽朝會止令滿酌不勸中飲更衣賜花有差

宴訖舞蹈拜謝而出太平興國後止設春宴雍熙三年
後常以暮春召近臣賞花釣魚于苑中三館之職皆預
淳化四年令京官兼館職者並預大宴咸平三年始備
設春秋大宴五年十二月詔凡內宴宗正卿令升殿坐
班次依合班儀又以翰林學士梁灝請春秋大宴小宴
賞花行幸次為四圖頌下閣門遵守

案宋史禮志春秋
季仲及聖節郊祀

藉田禮畢巡幸還京凡國有大慶皆大宴天聖後大宴
率于集英殿次宴紫宸殿小宴垂拱殿若特旨則不拘
制常天禧四年從集賢院祖士衡言大宴將更衣羣臣下

殿然後更衣更衣後再坐則羣臣班于殿庭候上升坐

起居謝賜花再拜升殿

案文獻通考有大慶殿再坐上壽立班圖

初入面西躬候通銜位姓名訖引當殿贊喝兩拜搢笏

舞蹈三拜不起奏聖躬萬福喏贊又再拜喝祇候出如

喝有敕賜酒食更兩拜搢笏舞蹈三拜訖祇候差遣見

引當殿立躬喝兩拜隨拜山呼奏聖躬萬福喏喝祇候

平身立候喝謝恩兩拜隨拜山呼

案此條不著某年所定某處儀注與文獻

通考宋史禮志所載常朝起居入閣賜宴諸儀互有異同疑原本尚詳傳寫闕之

唐王及善曰中書令可一日不見天子乎太祖開寶九年以中外無事始詔旬假日不坐然其日輔臣猶對于後殿問聖體而退至道三年三月二十九日旬假是日太宗猶對輔臣至夕帝崩李南陽永熙挽詞曰朝憑玉几言猶在夜啓金滕事已非時稱佳作至真宗朝旬假輔臣始不入寶元中西事方興假日視事慶厯初乃如舊

諸蕃入朝皇朝之制西北蕃部及契丹高麗東南蠻西

南夷及諸外蕃國來貢者並對于崇德殿契丹使捧書
函入殿庭北向鞠躬閤門使降受升殿以進內侍都知
受而啓之通事舍人導使者升殿代其主跪問聖躬上
令內侍都知報問之皆通事傳譯畢乃降階西向通名
起居舞蹈賜冠帶器幣牽勒馬上親宴其使于內殿他
國使或止就長春殿皆于殿庭北向跪奉表函通事舍
人受以進南蠻東夷西南夷海外蕃國西北蕃部對訖

復引對于崇政殿

宋史禮志凡外國使至及君長來朝皆宴于內殿開寶八年宴契丹使

于長春殿太平興國三年宴契丹使諸國蕃客于崇德殿以契丹使來賀故也景德澶淵會盟以來始定儀注引對于崇德殿宴使于長春殿至政和五禮新儀則朝見賜宴朝辭皆于紫宸殿假日皆于崇政殿諸國不及也此書所載蓋據宋初之制

有善本國歌舞者令奏之契丹高麗交

趾使歸赴內朝奉辭皆于崇德殿其契丹使召升殿授書他國書皆有司付之其賜物有差真宗景德後契丹請盟每使至遣官為接伴館伴使副使舍于都亭驛班在上將軍之下宴賜加等餘蕃使分館諸驛高麗使至遣閣門祇候接送直館一員館伴宴餞亦命近臣諸蕃

夷奉朝貢四十三國

原註契丹夏州歲遣使入貢已載本門

高麗國

原註漢玄

菴郡國境南北一千五百里東西三千里

定安

原註馬韓之種為契丹所攻餘眾保于西部稱定安國

案西部文獻通考作西鄙

女真

原註渤海之別種本篤姓

日本

原註倭奴國也近日所出故改稱

交趾

原註本南越之地交州總管也後改安南都護府

溪洞諸蠻

原註隋置州唐置錦州

巫州欽州皆唐末蠻酋分據其地自置偽刺史建隆以後溪洞諸蠻皆歸順乞內附朝廷悉命其酋長為刺史

南丹州

原註溪洞別種與宜州接

撫水州

原註在宜州南有縣四曰撫水曰京水曰多逢曰古

勞唐隸黔南

西南蕃

原註漢牂牁郡地唐置費珍莊瑛播郎牂夷等州

印部州蠻

原註

漢越雋郡由黎州十一程至部落

黎州山前山後蠻

原註西南夷之別種其酋長號都鬼

主黎州南行七日而至其地又一程至
嵩州又二程至建昌又千里至雲南

雅州蠻

原註西
南夷別

種風琶蠻

原註在建
昌城之上

占城

原註在中國西南北至廣州
便風半月程至兩浙一月程

三佛齊

原註南蠻之別
種與占城為鄰

闍婆

原註國在
南海中

勃泥

原註在中
國之西南

大海

注輦

原註其國水行至廣州約
四十一萬一千四百里

蒲端

原註國在海
上與占城接

丹流眉

原註國在海上路東北
至廣州一百三十五程

天竺

原註舊名身毒
赤白摩伽陀又

日婆

大食

原註本波
斯之別種

于闐

原註國在京師之西九千九
百餘里西南帶葱嶺與婆羅

門接相去三千餘里東接吐
蕃西北至疏勒二千餘里

龜茲

原註回鶻
之別種

高昌

原註
漢車

師前王之土地其國有高昌城取
其地勢高敞人民昌盛以為名

回鶻

原註匈奴之別裔
國在西北婆羅陵

水上後魏號鐵吐蕃原註本漢西戎之地或云南涼秃勒唐初號特勒吐蕃原註本漢西戎之地或云南涼秃

吐蕃族帳分處各有原註古析支之地漢西羌之首領內屬者為熟戶党項原註古析支之地漢西羌之首領內屬者為熟戶

屬者為熟戶西涼府原註西涼即涼州也唐末陷河西之地雖為吐蕃所隔然其地亦自置牧守東

至靈武千里西北沙州原註瓜沙二州本漢燉煌故地達靺原註東方去至甘州五百里

部音訛謂且勒斯賚原註吐蕃餘種董戩原註且勒斯賚之子為會州刺史層

檀原註國與占城大食相近勿巡原註南海上小國大中祥符中伊

州案原本闕註龐元英文昌賓同隴原註海南小國其雜錄謂即漢之伊吾郡

道中來朝貢甘州原註甘州回鶻可汗西州案自此以今不具到舊隸沙州歸義軍

本俱闕註文昌雜錄謂西州本高昌國漢車師前王之地貞觀中平其地為西州

大食陀羅離

慈

案文昌雜錄作陀羅離宋史大食國傳作陀婆離俱無慈字

大食俞和盧地

案文昌雜

錄誤以俞盧和地為南荒之國考宋史謂大食國人入貢路由沙州涉夏國抵秦州天聖元年恐為西人鈔略乃詔自今取海路由廣州至京師其國部屬各異名故有勿廵有陀婆離有俞盧和地有麻囉跋等國然皆冠以大食則其為大理國案范成大桂海虞衡志曰大理西方之國無疑大理國南詔國也本唐小夷自皮邏諾併五詔為一受冊封雲南王至異牟尋封南詔王後自稱大禮國今其與中國接乃稱大理國與唐史禮理字異未詳

西天大食國

案文獻通考宋史俱不著西天之稱惟于熙寧六年載都蕃首蒲陀

所始
婆利慈表奉貢物事據此書後篇所記是年西天大食國來朝疑係一事附註備考

日本淳化二年貢方物太平興國九年獻銅鈴磬景德
元年來朝大中祥符二年來朝熙寧五年來朝元豐元
年來朝

交趾開寶元年八月來貢方物太平興國二年五年七
年八年來貢方物雍熙二年貢方物三年貢金器牙犀
端拱元年貢方物淳化元年貢龍鳳椅子傘握子五年
貢方物至道三年貢七寶交椅方物咸平元年獻馴象
四年貢馴犀象景德元年遣其子明提來貢四年遣其

弟明昶來貢乞賜九經佛經大中祥符二年貢馴犀三年五年七年貢方物天禧三年遣弟鶴來貢方物熙寧二年六年貢方物元豐元年貢方物

溪洞諸蠻逐年同天節端午貢方物

南丹州開寶七年貢銀器馬九年求賜牌印太平興國五年貢銀淳化元年遣其子來貢銀五年貢方物

撫水州咸平四年正月貢方物三年十一月十二月又來朝天禧元年貢方物

西南蕃乾德四年五年六年貢方物開寶二年貢方物
八年貢馬太平興國三年貢方物五年貢馬雍熙二年
八年貢方物九年貢馬淳化元年遣其弟漢興來朝三
年貢方物馬至道元年貢方物咸平元年貢方物二年
五年貢馬景德元年貢方物大中祥符二年貢賀東封
馬六年八年九年貢方物天禧四年貢方物天聖四年
貢方物康定元年貢馬熙寧三年貢方物六年四次貢
方物十年貢方物

邛部州蠻開寶二年貢方物太平興國四年貢方物雍
熙二年貢馬端拱二年貢御馬淳化二年貢方物馬至
道三年遣其子來朝賀咸平二年五年貢方物景德二
年貢象牙大中祥符元年貢馬景祐四年貢方物

黎州山前山後兩林蠻開寶二年八年貢方物太平興
國二年四年貢馬雍熙二年貢方物端拱二年貢馬淳
化元年貢方物大中祥符元年貢方物天禧二年貢方
物

雅州蠻太平興國二年貢方物大中祥符二年貢馬犂
牛三年貢方物馬

風琶蠻咸平元年貢馬景德二年貢犀角犂牛青羊

占城建隆元年貢方物二年來朝三年貢方物乾德四

年三月九月貢方物五年貢方物開寶二年貢馴象牙

四年貢方物六年四月貢方物七年九月貢方物太平

興國二年三年四年七年貢方物八年貢馴象淳化元

年貢馴犀三年貢方物至道元年三年貢方物咸平二

年來朝景德元年二年四年貢方物大中祥符元年三年四年七年八月二月五月貢方物天禧二年貢方物天聖八年貢方物熙寧元年九月貢方物元豐元年貢方物

三佛齊建隆元年二年三年三月十一月貢方物開寶四年五年貢方物七年貢象牙八年貢方物太平興國五年八年貢方物雍熙二年貢方物端拱二年貢方物淳化元年貢方物咸平六年貢方物大中祥符元年貢

方物天禧元年貢方物天聖六年貢方物

閣婆淳化三年貢方物

勃泥太平興國二年貢方物

注輦大中祥符八年貢方物天禧四年貢方物明道二

年貢真珠等熙寧十年貢方物

蒲端咸平六年貢方物景德元年四年貢方物大中祥

符四年貢方物

丹流眉咸平四年貢方物

天竺乾德三年貢舍利開寶五年貢舍利八年貢方物
太平興國三年貢舍利五年貢香藥七年貢佛頂印八
年貢經犀角淳化二年貢舍利至道元年貢佛頂骨三
年貢梵夾咸平元年四月來朝二年貢梵夾四年四月
來朝七月貢梵夾舍利六年貢方物景德元年貢舍利
二年貢梵夾菩提葉大中祥符三年貢金剛坐四年正
月貢金剛坐六年貢梵夾經佛骨舍利七年貢梵經九
年二月貢佛骨舍利四月五月來朝天禧三年四年貢

梵經天聖二年貢梵經

大食開寶元年四年六年七年八年九年貢方物太平
興國二年四年貢方物雍熙元年貢花錦淳化五年貢
方物至道元年貢龍腦三年貢方物咸平二年閏三月
六月三年六年貢方物景德元年二年四年貢方物大
中祥符元年貢玉圭九年貢方物天禧三年貢方物熙
寧三年貢方物

于闐建隆二年貢玉圭乾德三年來朝四年遣其子德

從來朝貢方物大中祥符二年貢方物天聖二年貢玉
圭玉帶方物嘉祐八年貢方物熙寧四年六年十年貢
方物元豐元年貢方物

龜茲太平興國九年貢方物咸平四年貢玉馬六年六
月十一日貢方物景德元年五月六月貢方物大中祥
符三年貢乳香六年貢方物天禧元年貢玉馬香藥四
年貢大尾白羊天聖二年貢橐駝馬玉三年七年九年
貢方物景祐四年貢方物熙寧五年貢方物

高昌建隆三年貢方物乾德三年貢佛牙琉璃器太平
興國六年八年九年貢方物景德元年貢玉馬等

回鶻建隆二年三年貢方物乾德二年貢方物三年四
月貢馬駝十二月貢馬玉開寶三年貢駝馬太平興國
五年貢方物雍熙四年貢鑰石至道二年貢方物咸平
元年三年貢方物景德元年九月貢方物閏九月貢戰
馬四年貢方物大中祥符元年四月來朝三年四年貢
方物五年五月八月貢寶貨橐駝馬六年貢御馬八年

十一月貢方物九年十二月貢馬玉天禧三年四年三
月十二月貢方物天聖元年二年三年貢方物馬熙寧
七年貢方物

吐蕃建隆二年貢橐駝馬三年獻伏羌地太平興國八
年貢馬九年貢羊馬淳化二年獻山林田畝五年貢馬
咸平三年貢犛牛六年貢馬景德元年貢馬又三月來
朝三年貢方物大中祥符元年三年五年貢馬八年二
月貢馬十月貢方物九年三月貢馬四月來朝天聖二

年貢馬

党項建隆二年來朝淳化四年三月十二月來貢馬五年遣其子朝貢至道三年貢馬咸平元年三月十月來朝七月貢馬二年來朝貢四年貢馬五年四月十二月來朝貢六年貢馬景德二年貢馬三年貢方物大中祥符二年四月貢方物

西涼府淳化二年貢方物五年貢馬至道元年二年貢馬咸平元年貢馬二千匹五年貢馬五千匹十二月貢

方物六年四月貢方物八月貢馬景德元年貢六谷馬
三千匹二年四月貢馬三年五月貢方物六月十二月
又貢馬四年五月來朝十二月貢方物大中祥符元年
貢馬二年二月貢方物十一月貢馬四年三月十月貢
方物五年其子來貢馬七年四月十一月貢方物八年
五月十月貢馬來朝天聖四年貢馬

沙州建隆二年貢玉鞍太平興國五年三月貢玉圭八
年貢方物淳化二年貢良玉舍利至道元年三月五月

貢方物咸平二年貢玉團五年貢方物景德元年貢玉馬四年貢玉印天聖元年貢乳香皇祐三年貢方物達鞞乾德四年貢方物開寶二年貢方物太平興國六年八年貢方物

置勒斯賚大中祥符八年九年來貢馬天禧三年貢馬景祐四年貢方物寶元二年貢方物慶厯四年六年七年貢方物皇祐元年貢方物至和元年貢方物嘉祐三年四年貢方物治平元年貢方物

董戩熙寧三年十年貢方物元豐二年貢方物

層檀熙寧四年貢方物

勿巡大中祥符四年貢方物熙寧五年貢方物

賓同隴至道二年貢方物

甘州天聖三年貢方物


西州皇祐二年來朝

大食陟婆離慈熙寧三年貢方物

大食俞盧和地熙寧六年貢方物

西天大食國熙寧六年來朝

大理國熙寧九年貢馬



宋朝事實卷十二

欽定四庫全書

史部

宋朝事實卷十三至
七

詳校官編修臣范來宗

編修臣程嘉謨覆勘

總校官降調編修臣倉聖脉

校對官中書臣張敦培

謄錄監生臣丁

煌

欽定四庫全書

宋朝事實卷十三

宋 李攸 撰

儀注三

凡勘箭皆左右金吾仗司主之箭筈長二尺五寸鵬羽
金鰲筈輸石鏃闊二寸方斜形如匕二箭合鏃有鑿柄
為雄雌體箭藏內中一為辟仗箭藏本司皆韜以絳羅
銷金囊每車駕至門閣門使持鵠箭贊云勘箭官來前

勘箭官稱喏跪受箭以左右箭相合奏云內外箭勘同
閣門使承制云準敕行勘勘箭官稱軍將門仗官前來
軍將門仗官二十八人齊聲喏勘箭官言呈箭又聲喏
勘箭官云某年月日皇帝宿齋于某殿某日具天仗迎
鑿駕出入某門詣某所行禮內出雄鷲箭一外進辟仗
箭一準敕符左右金吾仗行勘勘箭官稱合不合和箭
門仗官皆稱合如此再問對又問同不同和箭門仗皆
稱同如此再問對勘箭官乃伏奏云左右金吾列駕仗

勾畫都知具官臣姓名對御勘同其雄鷓箭謹奉閣門

使進入諸司準式勘箭官即起居三呼萬歲開門進輅

凡宣德門出左仗主之景靈宮入右仗主之太廟入左

仗主之南薰門入則勘出則否

案宋史禮志熙寧四年參知政事王珪言南郊

乘輿所過必勘箭然後出入此師行之法不可施于郊祀禮院亦言于是凡車駕出入門皆罷之六年以詳定所請又罷太廟及宣德朱雀南薰諸門勘契蓋自熙寧以後罷勘箭故史志不詳其儀而東都事畧及長編諸書亦不復載

許立家廟已賜門戟者仍給官地修建

案宋史禮志慶曆元年南郊赦

書中外文武官並許依舊式立家廟宋庠請下兩制禮
官詳定官正一品平章事以上立四廟樞密使以下節
度使東宮少保以上皆立三廟餘官祭于寢凡立廟聽
于京師或所居州縣大觀間議禮局言有私第者立廟
于門內之左如狹隘聽于私第側力所不及仍許隨宜
詔製祭器給賜之未嘗給以官地修建也自紹興十一
年詔臨安守臣為秦檜營建家廟後韋淵吳益楊存中
吳璘虞允文韓世忠史浩等並請建家廟賜以祭器參
用大觀紹興故事此
書所載與宋史互異

冊公主儀制 太常禮院上封冊堯國公主儀注前一

日有司設冊使等幕次于內東門外設內命婦次于公
主受冊印本位門之外又設公主受冊印本位于庭階

下北向又設冊使位于內東門副使及內給事于其南
差退並東向北上又設冊印案于冊使之前南向又設
內給事位于冊使北南向其日自文德殿奉冊印將至
內東門內給事請本位請公主服首飾禱冊印至內
東門外褥位置訖捧冊官少退內臣引內命婦俱入就
位禮直官引冊使副使等俱就東向位立定內給事進
就南向位通事舍人博士引冊使就內給事前東向稱
冊使某副使某奉制授公主冊印退復位內給事入詣

所設受冊印本位公主前言訖退內給事進詣冊使前
面西冊使前跪以冊印授內給事亦跪以授內謁者及
主當內臣等持冊印入內東門內給事從本位庭中內
給事贊公主降詣庭中北向位立定跪取冊興立于公
主之右少前西向內給事立于公主之左少前東向又
內給事稱有制內給事贊公主再拜訖內給事捧冊跪
授公主公主受以授內給事內給事捧印授公主如捧
冊之儀內給事贊公主再拜前引公主升位以次內臣

引內命婦賀內給事贊言禮畢內命婦退遂引公主謝

皇帝皇后一用內中之儀

案宋史禮志載公主受封儀謂自此遂為定制

太常禮院言古者結婚始用行人告以夫家采擇之意謂之納采問女之名歸卜夫廟卜而獲吉以告女家謂之問名納吉今選尚一出朝廷不待納采又公主封爵已行誕告不待問名而卜之若納吉成則既有進財請期則有司擇日宜稍依五禮之名存其物數俾知古者婚姻之事至重而夫婦之際有嚴如此則亦不忘古禮

之義也欲自公主出降日令李瑋家主婚之人具合用
鴈帛玉馬等物陳于內東門外以授內謁者進入內中
付掌事者受之其馬即不入從之

案此條脫去李瑋
尚克國公主年月

太平興國五年令有司詳定打毬儀三月會鞠于大明
殿用其儀有司于毬場東西樹雙木為毬門高丈餘首
刻金龍下施石蓮花座加以綵繪左右分朋主之以承
旨二人守門內臣十二人

案內臣十二人宋史作
衛士二人與此互異 持小

紅旂唱籌御龍官衣錦繡服持哥舒棒以周衛毬場殿

階下東西設日月旂教坊設龜茲部鼓樂于兩廂鼓各
以五又于兩毬門旂下別各設五門豫定分朋狀取裁
親王近臣節度觀察防禦團練使刺史錢俶劉繼元駙
馬都尉諸司使副供奉官殿直悉預其兩朋官皇親及
節度使以下服異色繡衣左朋黃襴右朋紫襴打毬供
奉官左朋服紫繡右朋服緋繡烏皮鞞冠以花插脚折
上巾天廡院擇馬之馴習者并供鞞勒上自禁中乘馬
出教坊大合涼州曲諸司使以下前導從臣奉迎上降

馬御殿羣臣謝宣召以次上馬馬皆結尾分朋乘馬自
兩廂入序立于西廂上乘馬當庭西南駐內侍發金合
出朱漆毬擲于御前通事舍人奏云御朋打東門上遂
擊毬教坊作樂奏鼓毬既度鼙旂叩鈺止鼓上迴馬從
臣奉觴上壽貢物以賀賜以酒即列拜飲畢上馬上再
擊毬命諸王大臣馳馬爭擊旂下搥鼓將及門逐廂急
鼓毬度殺鼓三通設繡旂二十四于毬門兩旁又設虛
架于殿東西階下每朋得籌即取旂一立架上以記之

上得籌樂少止從官呼萬歲羣臣得籌即唱好得籌者
下馬稱謝凡三籌畢乃御殿召從臣飲又有步擊及跨
驢騾擊者時令供奉分朋戲于御前以為樂後以打毬
驢騾務名不經改為擊鞠院軍中之戲也

英宗葬永厚陵 英宗梓宮至永厚陵館于席屋從韓
公下視宮有正殿置龍輜後置御座影殿置御容東幄
臥神帛後置御衣數事齋殿旁皆守陵宮人所居其東
有浣濯院有南廚廚南陵使廨舍殿西副使廨舍都知

石全育為陵使

原註次道曰陵使三年而罷其後惟置副使及都監

靈駕至儀仗

轉趣園西殿中儀仗前導御容大升輿御龍輶御前殿車輅各就幕屋方相儀椀漆梓宮等置于塋外各有方位司天監處之兵士各執儀仗分屯鞏縣偃師承安命使臣董之陵北有枯河河北原合抱三陵在青龍山下其西白虎澗青龍山西即太室也少室西俗謂之冠子山陵前闕角謂之鵲臺門側臺曰乳臺陵臺三層高五十三尺上宮方百五十步卷四重共高八尺厭木者二

重石椁高一丈其鑿長一丈二尺深濶七尺蓋條石各
長一丈闊二尺十四板皇堂方三丈深二丈三尺麓巷
長八十三尺深闊一丈八尺自平地至深六十三尺隧
道長四百七十尺石人物六十事韓公曰力士所得直
及賜予人不過七緡而已癸酉黎明設遺奠于幄殿有
牲牢祝文餘皆如朝臨禮昌王案宋史神宗封
皇弟顥為昌王及五使
皆吉服金帶導龍輜降隧道抵木階梓宮升石椁西首
御夷牀下不及地尺而止已時一刻乃下置珠網花結

于上布方木及蓋條石及設御座于蓋下前置時果及五十味食別置五星十二辰及祖思祖明尊位于四壁又設衣冠劍佩筆硯弧矢甲冑凡平生玩好之物又設繒帛緡錢然後設冊寶乃然漆燈閉柏門置逍遙于麓巷闔石門缺其闔之中央留人于內堵拮畢匍匐而出鎖其門投鑰于內司徒復土九鋪立石柱于中央縈以鐵索乃以都護排防累石以塞門實隧以土五使乃易凶服設掩皇堂祭于隧外哭又于陵哭人易吉服黑帶

俟浴虞主畢奏請降輿升輅即下宮又奏進發五使前

步導至下宮奏降輅升輿設第一虞哭

原註仁宗之虞不哭次道曰唐

室請陵但置香藥不設食為臭腐故也

乙酉未明百官序立集英殿下上

自東南來登殿哭奠拜降就幄宗正卿告遷酌獻畢虞

主乘腰輿出兩府前導上步從至宣德門乘玉輅上北

面再拜辭是日早太祝浴粟主于廟門西幄王禹玉題

之輅及廟門百官拜迎于門外虞主御腰輿入就幄辰

時百官又立于殿庭內臣以腰輿迎粟主置于中庭之

褥子又于褥西北面俛伏興稱英宗憲文憲武宣孝皇帝祔廟內臣奉主于腰輿升自阼階詣真宗室祔坐于東壁下少頃詣本席褥位公卿以下行禮奏樂如時享之儀畢以腰輿奉桑主埋于席北百官入慰乙酉祔英宗于太廟

太宗詔天下前後詔敕並聽于敕書樓著以籍受代日交相付仍于印紙歷及南曹歷內批書

凡公家文書謂之藁中書謂之草樞密院謂之底三司

謂之檢今祕府有梁朝宣底卽貞明中崇政院書也檢卽州縣通稱焉

理宗用黃封東板或以牙作號御槧

案此記理宗事疑非李攸原本

至和元年詔中書提點五房公事雖無出身亦聽佩魚舊制自選人入為堂後轉至五房提點始得佩魚提點五房呂惟和非選人入授司天監五官正求佩魚特許之

真宗仁宗兩朝禁銷金縷金 真宗大中祥符四年七

月後苑匠為民造銷金開封府奏罪當笞帝以不足懲
誠刺面配中靖

仁宗性節儉不喜華侈尤惜財用景祐二年五月九日
謂近臣曰訪聞市肆以縷金為婦人首飾冠子及梳等
潛將貨賣況先朝已有制條禁銷金之作今縷金之用
耗蠹奢侈與銷金無異須議行斷絕宰臣對以法嚴則
令行乃下詔曰幣器之興金鎰為重理財藝貢邦用賴
焉洪惟先朝深鑒治本特嚴塗鑠之禁以杜奢僭之萌

而宵人末工放利矜巧深冒舊防糜壞至寶崇華首服
交相買鬻陰長奇衰官司因循曾未呵謫宜申布于前
令俾大革其非心倘或弗悛罔有攸赦敦風遠罪當稱
朕懷檢會大中祥符元年至天禧二年二月編敕除大
禮法物上從中禁下暨庶邦但係衣服裝著之類土木
翫好之物並不得以金為飾如違並科違制之罪其臣
僚之家罪在家長皇親宮宅只坐勾當使臣并駙馬都
尉其充業匠人不得輒便造作罪當行處斬如官司并

鄰人不覺察造作者亦當勘罪重斷仍許人告得實支
賞錢一百貫文至慶歷二年又以銷金等物未盡禁止
又下詔曰朕欽遵聖猷精求政治務菲躬而圖儉庶率
己以先民眷乃良金時為上幣何茲流俗未穆醇風侈
麗相夸蠹弊滋廣銷藝珍寶變尚服裝增效魚龍之文
頗奸輿輦之制寢踰法度遂益僭差頃在先朝累頒深
詔爰重禁防之格乃開購告之塗肆朕纂承亦嘗申飭
如聞近歲違冒猶多俾條舉于舊章冀懋成于敦化必

驅衆正宜自近初上從宮掖之嚴下暨臣民之伍均行
屏絕用一等倫除大禮各有舊制依前行用內庭自中
宮以下並不得銷金貼金縷金間金蹙金解金陷金明
金泥金榜金背金闌金蒙金等但係裝著衣服並不得
以金為飾其外廷臣庶之家不以有官無官封邑並皆
禁斷宜令宰司申明前後條貫指揮皇祐三年殿中侍
御史張澤行奏曰臣聞真宗朝已有衣明金銷金一禁
之後無有犯者其故何也蓋聞先自宮中禁斷然後知

禁令必行無敢犯之者如聞京師近年頗不禁絕此壞亂先帝舊法又違陛下崇儉崇孝之德夫先帝發一號出一令豈徒然哉蓋欲後世師其儉也況陛下動作皆法先訓遂致治平而世俗敢此冒禁者風俗侈靡使然也惟陛下可以裁之抑之無知之民從其所好如允臣所言亦乞先自宮中禁斷仍檢會舊敕如有犯者並從違制定斷其工匠人仍乞處斬所貴知悉上語輔臣令舉行前後詔書嚴行禁止自是銷金之弊遂止

禁止奢僭制度 仁宗景祐三年詔曰儉守則固約失則鮮典籍之格訓也貴不逼下賤不擬上臣庶之定分也如聞輦轂之間士民之衆罔遵矩度爭尚僭奢服翫織華務極珠金之飾室居宏麗交窮土木之工倘懲誠之弗嚴恐因循而滋甚況歷代之制甲令備存宜命攸司參為令式庶幾成俗靡蹈非彝其令兩制與太常禮院同詳定制以聞及羣臣議上因詔天下士庶之家凡屋宇非邸店樓閣臨街市之處毋得為四鋪作及鬪

八非品官毋得起門屋非宮室寺觀毋得彩繪棟宇及
間朱漆梁柱牕牖雕鏤柱礎凡器用毋得表裏用朱漆
金漆下毋得襯朱非三品以上官及宗室戚里之家毋
得用稜器其用銀稜者毋得鍍金玳瑁酒食之器非宮
禁毋得用純金之器若經賜者聽用之凡命婦許以金
為首飾及為小兒鈴鐲用餘以為釵簪釧纏珥環者聽
之仍毋得為牙魚飛魚奇巧飛動若龍形者其用銀仍
毋得鍍金非命婦之家毋得以真珠裝綴首飾衣服及

項珠纓珞耳墜頭帶抹子之類凡帳幔複壁承塵柱衣額道架帕簾牀裙母得用純錦徧繡宗室戚里茶擔子并食合母得以緋紅蓋覆豪貴之族所乘坐車子母得用朱漆及五彩裝繪若有黑漆而間以五彩者聽之民間母得乘擔子及以銀骨錄水罐子引喝隨行其用兜子所昇母得過二人非四品以上官母得服金帶舊經賜者聽之非五品以上官母得乘鬧裝銀鞍其乘金塗銀裝條子促結鞍轡自文武升朝官及內職禁軍指揮使

諸班押廂軍都虞候防團副使以上聽之仍無得以藍黃為條白皮為韉轡民庶只許以氈皮絁紬為韉京官為通判以上職任者許權依升朝官例違者物主工匠並以違制論工匠仍刺配他州有陳告者賞錢五萬其過百日而不變毀者坐之宜令宣徽院御史臺閣門左右金吾衛司開封府覺察以聞

禁止鋪翠銷金等服飾 太上皇帝紹興二十七年

原註

關月 手詔朕惟崇尚儉素實帝王之先務祖宗之盛德比

年以來中外服飾過為侈靡雖累行禁止終未盡革朕躬行敦樸以先天下近外國所貢翠羽六百餘隻可令焚之通衢以視百姓行法當自近始自今後宮中首飾衣服並不許鋪翠銷金如犯此禁重置于法仰幹辦內東門司官常切覺察不得有違若失覺察以違制論其中外士庶令有司嚴立禁法貴近之家尤宜遵守如有違犯必無容貸故茲詔諭各宜知悉

宋朝事實卷十三